

黄庭内景玉经注 心神章第八

<p>心神章第八神仙刘长生解 心神丹元字守灵，心藏於神，内明微奥，至象包含，汞铅类倒。肺神皓华自虚成，肺藏於魄，神光照耀，道合三才，自然明了。肝神龙烟字含明，肝藏於魂，神明牝户，字通慧眼，闡然无阻。翳鬱导烟主浊清，离水上升，坎火下降，混合清浊，神通无鞅。肾神玄冥字育婴，肾藏金精，神调胎息，字通圣妙，至明太极。脾神常在字魂停，脾藏於志，抱道无离，神明枢要，用坎迎离。胆神龙曜字威明。魂清胆壮，神定冲和，既明大象，谁採人魔。六腑五脏神体精，六腑精通，五脏清澄，神丹炼就，脱壳飞升。皆在心内运天经，神明天道，理合圣经，妙通万化，无爱无憎。昼夜存之自长生。周天十二，内显神通，昏昏默默，了达真空。</p><p></p><p>下载本文pdf文件</p>